

დროის გამოყენების გამოკვლევის შედეგები



09.12.2022

დროის გამოყენების გამოკვლევა 2020-2021

გამოკვლევის აღწერილობა

საქართველოს სტატისტიკის ეროვნულმა სამსახურმა, გაეროს ქალთა ორგანიზაციის (UN Women) ფინანსური და ტექნიკური მხარდაჭერით, 2020-2021 წლებში საქართველოში პირველად ჩაატარა დროის გამოყენების გამოკვლევა, რომლის მიზანსაც წარმოადგენდა საქართველოში დროის გამოყენების შესახებ სტატისტიკურად სანდო და საერთაშორისო დონეზე შესადარისი მონაცემების მიღება, გენდერული სტატისტიკის გაუმჯობესება, მდგრადი განვითარების მიზნების (SDGs) მაჩვენებლების გაანგარიშება და გენდერული თანასწორობის გაძლიერებისკენ მიმართული პოლიტიკის ინფორმირება. გამოკვლევის შედეგად შეგროვდა მონაცემები მოსახლეობის მიერ სხვადასხვა აქტივობაზე დახარჯული დროის შესახებ, მათ შორის, ანაზღაურებად და აუნაზღაურებელ შრომაზე, საოჯახო და ზრუნვის საქმიანობებზე, სწავლაზე, დასვენებაზე, სოციალიზაციაზე, მგზავრობაზე და ა.შ.

გამოკვლევა ევროსტატის და გაეროს მიერ შემუშავებულ მეთოდოლოგიურ სახელმძღვანელოებს დაეფუძნა, რაც მიღებული მაჩვენებლების საერთაშორისო დონეზე შესადარისობას უზრუნველყოფს.

გამოკვლევისათვის, ქვეყნის მასშტაბით, შემთხვევითი შერჩევის პრინციპით 3 680 შინამეურნეობა შეირჩა. გამოკვლევაში მონაწილეობა მიიღეს 15 წლისა და უფროსი ასაკის პირებმა, რომლებიც დროის გამოყენების დღიურებში 10 წუთიანი ინტერვალით აღწერდნენ მათ მიერ განხორციელებულ აქტივობებს წინასწარ დადგენილი სრული ორი დღისთვის.

საქართველოს სტატისტიკის ეროვნული სამსახური

09.12.2022

გამოკვლევის ძირითადი შედეგები

გამოკვლევის შედეგების მიხედვით, საქართველოს მოსახლეობა დღე-ღამეში საშუალოდ 11.7 საათს ხარჯავს საკუთარ თავზე ზრუნვასა და მოვლაზე, 4.2 საათს - კულტურულ, დასვენების, სპორტულ და მასმედიასთან დაკავშირებულ აქტივობებზე, 2.6 საათს - დასაქმებასა და მასთან დაკავშირებულ აქტივობებზე, 2.1 საათს - შინამეურნეობისა და ოჯახის წევრებისთვის განუღებელ აუნაზღაურებელ საოჯახო მომსახურებაზე, 1.4 საათს - სოციალიზაციაზე, კომუნიკაციაზე, სათემო და რელიგიურ აქტივობებში მონაწილეობაზე, 0.9 საათს - საკუთარი საბოლოო მოხმარებისთვის პროდუქციის წარმოებაზე, 0.6 საათს - შინამეურნეობისა და ოჯახის წევრებისთვის განუღებელ აუნაზღაურებელ ზრუნვის მომსახურებაზე, 0.3 საათს - სწავლაზე, ხოლო 0.1 საათს - სტაჟირებაზე, მოხალისეობრივ და სხვა სახის აუნაზღაურებელ შრომაზე.

აქტივობებზე დახარჯული დროის მიხედვით, ყველაზე დიდი განსხვავება ქალებსა და კაცებს შორის შეინიშნება აუნაზღაურებელი საოჯახო მომსახურების შემთხვევაში, რომელზეც ქალები, კაცებთან შედარებით, დღეში 4.9-ჯერ მეტ დროს ხარჯავენ. დასაქმებისა და მასთან დაკავშირებული აქტივობების შემთხვევაში კი სურათი საპირისპიროა - კაცების მიერ დახარჯული საშუალო დრო 1.9-ჯერ აღემატება ქალების ამავე მაჩვენებელს.


ქვემოთ მოცემულ დიაგრამაზე წარმოდგენილია მოსახლეობის მიერ სხვადასხვა აქტივობაზე დღეში დახარჯული საშუალო დრო.

საქართველოს სტატისტიკის ეროვნული სამსახური

09.12.2022

დიაგრამა №1

მოსახლეობის მიერ სხვადასხვა აქტივობაზე დღეში დახარჯული საშუალო დრო (საათი)



- საკუთარ თავზე ზრუნვა და თავის მოვლა
- კულტურულ, დასვენების, სპორტულ და მასშობრივ დაკავშირებულ აქტივობებში მონაწილეობა
- სოციალიზაცია და კომუნიკაცია, სათემო და რელიგიურ აქტივობებში მონაწილეობა
- სწავლა
- სტაჟირება, მოხალისეობრივი და სხვა სახის აუნაზღაურებელი შრომა
- შინამეურნეობის და ოჯახის წევრებისთვის გაწეული აუნაზღაურებელი ზრუნვის მომსახურება
- შინამეურნეობის და ოჯახის წევრებისთვის გაწეული აუნაზღაურებელი საოჯახო მომსახურება
- პროდუქციის წარმოება საკუთარი საბოლოო მოხმარებისთვის
- დასაქმება და მასთან დაკავშირებული აქტივობები

საქართველოს სტატისტიკის ეროვნული სამსახური

09.12.2022


საქართველოს მოსახლეობა დასაქმებასა და მასთან დაკავშირებულ აქტივობებზე დღეში საშუალოდ 2.6 საათს ხარჯავს. ეს მაჩვენებელი დასახლების ტიპის მიხედვით განსხვავებულია, კერძოდ, თბილისში მცხოვრები მოსახლეობა ამ აქტივობებზე დღეში საშუალოდ 3.4 საათს ხარჯავს, სხვა ქალაქებში - 2.7 საათს, ხოლო სოფლებში - 1.9 საათს. დასაქმებასა და მასთან დაკავშირებულ აქტივობებში ჩართული მოსახლეობა (მონაწილეები) ამ აქტივობებზე დღეში საშუალოდ 8.2 საათს ხარჯავს. თბილისში მონაწილეების მიერ დასაქმებასა და მასთან დაკავშირებულ აქტივობებზე დღეში საშუალოდ დახარჯული დრო 9.1 საათს შეადგენს, ხოლო სხვა ქალაქებსა და სოფლებში შედარებით ნაკლებს - 8.6 საათს და 7.0 საათს, შესაბამისად. მონაწილე ქალები, კაცებთან შედარებით, ამ აქტივობებზე დღეში საშუალოდ 0.9 საათით ნაკლებს ხარჯავენ (7.7 საათი და 8.6 საათი, შესაბამისად).

ქვემოთ მოცემულ დიაგრამაზე წარმოდგენილია მთლიანი მოსახლეობისა და მონაწილეების მიერ დასაქმებასა და მასთან დაკავშირებულ აქტივობებზე დღეში დახარჯული საშუალო დრო (საათი), დასახლების ტიპის მიხედვით.


დიაგრამა №2

მთლიანი მოსახლეობისა და მონაწილეების მიერ დასაქმებასა და მასთან დაკავშირებულ აქტივობებზე დღეში დახარჯული საშუალო დრო (საათი)

მთლიანი მოსახლეობა



მონაწილეები



■ ქალი ■ კაცი ■ სულ

საქართველოს სტატისტიკის ეროვნული სამსახური


09.12.2022

საქართველოს მოსახლეობა საკუთარი საბოლოო მოხმარებისთვის პროდუქციის წარმოებაზე დღეში საშუალოდ 0.9 საათს ხარჯავს. ამ აქტივობებში ჩართული მოსახლეობის წილი (მონაწილეობის დონე) ყველაზე მაღალი სასოფლო ტიპის დასახლებებშია და 55.0 პროცენტს შეადგენს, ყველაზე დაბალი კი თბილისშია - 6.3 პროცენტი. მონაწილეები საკუთარი საბოლოო მოხმარებისთვის პროდუქციის წარმოებაზე დღეში საშუალოდ 3.1 საათს ხარჯავენ. სასოფლო ტიპის დასახლებებში კაცები ამ აქტივობებს დღეში საშუალოდ 3.9 საათს უთმობენ, თბილისში და სხვა ქალაქებში კი ეს მაჩვენებელი ნაკლებია (3.4 საათი და 3.3 საათი, შესაბამისად). სამივე ტიპის დასახლებაში, მონაწილე ქალები, კაცებთან შედარებით, ამ აქტივობებზე დღეში საშუალოდ 1.3 საათით ნაკლებს ხარჯავენ.

ქვემოთ მოცემულ დიაგრამაზე წარმოდგენილია მთლიანი მოსახლეობისა და მონაწილეების მიერ საკუთარი საბოლოო მოხმარებისთვის პროდუქციის წარმოებაზე დღეში დახარჯული საშუალო დრო (საათი), დასახლების ტიპის მიხედვით.

დიაგრამა №3

მთლიანი მოსახლეობისა და მონაწილეების მიერ საკუთარი საბოლოო მოხმარებისთვის პროდუქციის წარმოებაზე დღეში დახარჯული საშუალო დრო (საათი)



საქართველოს სტატისტიკის ეროვნული სამსახური

09.12.2022


საქართველოს მოსახლეობა შინამეურნეობისა და ოჯახის წევრებისთვის განეულ აუნაზღაურებელ საოჯახო მომსახურებაზე დღეში საშუალოდ 2.1 საათს ხარჯავს. ეს მაჩვენებელი ქალების შემთხვევაში 3.4 საათია, ხოლო კაცების შემთხვევაში - 0.7 საათი. დასახლების ტიპის მიხედვით, ამ აქტივობებზე დღეში საშუალოდ დახარჯული დრო არ განსხვავდება კაცებისთვის და 0.7 საათს შეადგენს. ქალები, კაცებთან შედარებით, 5-ჯერ მეტ დროს ხარჯავენ სოფლებში (3.6 საათი), თბილისსა და სხვა ქალაქებში კი 4.8-ჯერ მეტ დროს (3.2 საათი). 15-44 წლის ასაკობრივ ჯგუფში, ამ აქტივობებზე ქალების მიერ დახარჯული დრო, კაცების ანალოგიურ მაჩვენებელს 5.9-ჯერ აღემატება, 45-64 წლის ასაკობრივ ჯგუფში - 4.9-ჯერ, ხოლო 65 წლისა და უფროსი ასაკის მოსახლეობაში - 3.3-ჯერ.

ქვემოთ მოცემულ დიაგრამაზე წარმოდგენილია მოსახლეობის მიერ შინამეურნეობისა და ოჯახის წევრებისთვის განეულ აუნაზღაურებელ საოჯახო მომსახურებაზე დღეში დახარჯული საშუალო დრო (საათი), დასახლების ტიპისა და ასაკობრივი ჯგუფების მიხედვით.


დიაგრამა №4

მოსახლეობის მიერ შინამეურნეობისა და ოჯახის წევრებისთვის განეულ აუნაზღაურებელ საოჯახო მომსახურებაზე დღეში დახარჯული საშუალო დრო (საათი)

დასახლების ტიპის მიხედვით



ასაკობრივი ჯგუფების მიხედვით



■ ქალი ■ კაცი ■ სულ

საქართველოს სტატისტიკის ეროვნული სამსახური

09.12.2022


საქართველოს მოსახლეობა შინამეურნეობისა და ოჯახის წევრებისთვის განულ აუნაზღაურებელ ზრუნვის მომსახურებაზე დღეში საშუალოდ 0.6 საათს ხარჯავს. ამ აქტივობებზე ქალები დღეში საშუალოდ 0.9 საათს ხარჯავენ, რაც 4.5-ჯერ აღემატება კაცების მიერ დღეში დახარჯულ საშუალო დროს (0.2 საათი). ამ აქტივობებზე ქალების მიერ დახარჯული დრო, კაცების მიერ დახარჯულ დროს, თბილისსა და სხვა ქალაქებში 4.1-ჯერ აღემატება, ხოლო სოფლებში - 5.2-ჯერ. ქალებსა და კაცებს შორის ყველაზე დიდი განსხვავება აუნაზღაურებელი ზრუნვის მომსახურებაზე დახარჯული დროის მიხედვით 25-44 წლის ასაკობრივ ჯგუფშია. ეს განსხვავება შედარებით ნაკლებია 45 წელზე უფროსი ასაკის პირებში.

ქვემოთ მოცემულ დიაგრამაზე წარმოდგენილია მოსახლეობის მიერ აუნაზღაურებელ ზრუნვის მომსახურებაზე დღეში დახარჯული საშუალო დრო (საათი), დასახლების ტიპისა და ასაკობრივი ჯგუფების მიხედვით.


დიაგრამა №5

მოსახლეობის მიერ აუნაზღაურებელ ზრუნვის მომსახურებაზე დღეში დახარჯული საშუალო დრო (საათი)

დასახლების ტიპის მიხედვით



ასაკობრივი ჯგუფების მიხედვით



■ ქალი ■ კაცი ■ სულ

09.12.2022

მდგრადი განვითარების 2030 წლის დღის წესრიგის მე-5 მიზანია „გენდერული თანასწორობის მიღწევა და ყველა ქალისა და გოგოს გაძლიერება“, რომლის შესრულების მონიტორინგისთვის რეკომენდებული ინდიკატორია SDG 5.4.1 „აუნაზღაურებელ ზრუნვასა და საოჯახო შრომაზე დახარჯული დროის წილი“. ქალების მიერ აუნაზღაურებელ ზრუნვასა და საოჯახო შრომაზე დახარჯული დროის წილი 17.8 პროცენტს შეადგენს, რაც 4.8-ჯერ აღემატება კაცების ამავე მაჩვენებელს (3.7 პროცენტი). თბილისში გენდერული თანაფარდობა 4.6-ს შეადგენს, სხვა ქალაქებში - 5.1-ს, ხოლო სოფლებში - 4.5-ს.


ყველა ტიპის დასახლებაში და ყველა ასაკობრივ ჯგუფში აუნაზღაურებელ ზრუნვასა და საოჯახო შრომაზე ქალების მიერ დახარჯული დრო მკვეთრად აღემატება კაცების ამავე მაჩვენებელს. აღნიშნული მაჩვენებელი ყველაზე მაღალია 25-44 წლის ქალებში და 23.0 პროცენტს შეადგენს.

ქვემოთ მოცემულ დიაგრამაზე წარმოდგენილია აუნაზღაურებელ ზრუნვასა და საოჯახო შრომაზე დახარჯული დროის წილი (პროცენტი) (SDG 5.4.1), დასახლების ტიპისა და ასაკობრივი ჯგუფების მიხედვით.


დიაგრამა №6

SDG 5.4.1 აუნაზღაურებელ ზრუნვასა და საოჯახო შრომაზე დახარჯული დროის წილი (პროცენტი)

დასახლების ტიპის მიხედვით



ასაკობრივი ჯგუფების მიხედვით



■ ქალი ■ კაცი ■ სულ

საქართველოს სტატისტიკის ეროვნული სამსახური

09.12.2022


საქართველოს მოსახლეობა სტაჟირებაზე, მოხალისეობრივ და სხვა სახის აუნაზღაურებელ შრომაზე დღეში საშუალოდ 0.1 საათს ხარჯავს. ამ აქტივობებში ჩართული მოსახლეობის წილი (მონაწილეობის დონე) 2.6 პროცენტს შეადგენს. ეს მაჩვენებელი კაცების შემთხვევაში 3.0 პროცენტია, ხოლო ქალების შემთხვევაში - 2.3 პროცენტი. თბილისში, მონაწილე კაცების მიერ დღეში დახარჯული საშუალო დრო ქალების მიერ დახარჯულ დროს 1.8 საათით აღემატება, სოფლებში - 1.4 საათით, ხოლო სხვა ქალაქებში 0.3 საათით ჩამორჩება. მონაწილე კაცების მიერ დახარჯული საშუალო დრო ყველა ასაკობრივ ჯგუფში აღემატება ქალების ანალოგიურ მაჩვენებელს.

ქვემოთ მოცემულ დიაგრამაზე წარმოდგენილია მონაწილეობის მიერ სტაჟირებაზე, მოხალისეობრივ და სხვა სახის აუნაზღაურებელ შრომაზე დღეში დახარჯული საშუალო დრო (საათი), დასახლების ტიპისა და ასაკობრივი ჯგუფების მიხედვით.


დიაგრამა №7

მონაწილეობის მიერ სტაჟირებაზე, მოხალისეობრივ და სხვა სახის აუნაზღაურებელ შრომაზე დღეში დახარჯული საშუალო დრო (საათი)

დასახლების ტიპის მიხედვით



ასაკობრივი ჯგუფების მიხედვით



■ ქალი ■ კაცი ■ სულ

საქართველოს სტატისტიკის ეროვნული სამსახური

09.12.2022


საქართველოს მოსახლეობა სწავლაზე დღეში საშუალოდ 0.3 საათს ხარჯავს. სწავლაში ჩართული მოსახლეობა ამ აქტივობაზე დღეში საშუალოდ 4.6 საათს ხარჯავს. ეს მაჩვენებელი ქალებისთვის 4.5 საათს, ხოლო კაცებისთვის 4.7 საათს შეადგენს. როგორც ქალების, ასევე კაცების შემთხვევაში, სწავლაზე დახარჯული საშუალო დრო ასაკის მატებასთან ერთად მკვეთრად მცირდება.

ქვემოთ მოცემულ დიაგრამაზე წარმოდგენილია მოსახლეობისა და მონაწილეების მიერ სწავლაზე დღეში დახარჯული საშუალო დრო (საათი), ასაკობრივი ჯგუფების მიხედვით.


დიაგრამა №8

მოსახლეობისა და მონაწილეების მიერ სწავლაზე დღეში დახარჯული საშუალო დრო (საათი)

მთლიანი მოსახლეობა



მონაწილეები



■ ქალი ■ კაცი ■ სულ

საქართველოს სტატისტიკის ეროვნული სამსახური

09.12.2022


საქართველოს მოსახლეობა სოციალიზაციაზე, კომუნიკაციაზე, სათემო და რელიგიურ აქტივობებზე დღეში საშუალოდ 1.4 საათს ხარჯავს. კაცები ამ აქტივობებს დღეში საშუალოდ 1.6 საათს უთმობენ, რაც 0.4 საათით აღემატება ქალების ანალოგიურ მაჩვენებელს (1.2 საათი). სამივე ტიპის დასახლებაში აღნიშნული განსხვავება მსგავსია და 0.4 საათს შეადგენს. ასაკის მატებასთან ერთად მცირდება როგორც ამ აქტივობებზე დახარჯული დრო, ასევე გენდერული განსხვავებები.

ქვემოთ მოცემულ დიაგრამაზე წარმოდგენილია მოსახლეობის მიერ სოციალიზაციაზე, კომუნიკაციაზე, სათემო და რელიგიურ აქტივობებზე დღეში დახარჯული საშუალო დრო (საათი), დასახლების ტიპისა და ასაკობრივი ჯგუფების მიხედვით.


დიაგრამა №9

მოსახლეობის მიერ სოციალიზაციაზე, კომუნიკაციაზე, სათემო და რელიგიურ აქტივობებზე დღეში დახარჯული საშუალო დრო (საათი)

დასახლების ტიპის მიხედვით



ასაკობრივი ჯგუფების მიხედვით



ქალი კაცი სულ

საქართველოს სტატისტიკის ეროვნული სამსახური

09.12.2022


საქართველოს მოსახლეობა კულტურულ, დასვენების, სპორტულ და მასმედიასთან დაკავშირებულ აქტივობებზე დღეში საშუალოდ 4.2 საათს ხარჯავს. ქალები ამ აქტივობებზე დღეში საშუალოდ 3.9 საათს ხარჯავენ, რაც 0.9 საათით ჩამორჩება კაცების ანალოგიურ მაჩვენებელს (4.7 საათი). თბილისში ამ აქტივობებს დღეში საშუალოდ 4.1 საათს უთმობენ, სხვა ქალაქებსა და სოფლებში კი - 4.3 საათს. ყველა ტიპის დასახლებაში და ყველა ასაკობრივ ჯგუფში კაცების მიერ დახარჯული დრო აღემატება ქალების ანალოგიურ მაჩვენებელს. ამ აქტივობებზე ყველაზე ნაკლებ დროს 25-44 წლის ქალები და კაცები ხარჯავენ (2.8 საათი დღეში და 3.9 საათი დღეში, შესაბამისად), ყველაზე მეტ დროს კი 65 წლის და უფროსი ასაკის ქალები და კაცები (5.4 საათი დღეში და 6.4 საათი დღეში, შესაბამისად).

ქვემოთ მოცემულ დიაგრამაზე წარმოდგენილია მოსახლეობის მიერ კულტურულ, დასვენების, სპორტულ და მასმედიასთან დაკავშირებულ აქტივობებზე დღეში დახარჯული საშუალო დრო (საათი), დასახლების ტიპისა და ასაკობრივი ჯგუფების მიხედვით.


დიაგრამა №10

მოსახლეობის მიერ კულტურულ, დასვენების, სპორტულ და მასმედიასთან დაკავშირებულ აქტივობებზე დღეში დახარჯული საშუალო დრო (საათი)

დასახლების ტიპის მიხედვით



ასაკობრივი ჯგუფების მიხედვით



■ ქალი ■ კაცი ■ სულ

საქართველოს სტატისტიკის ეროვნული სამსახური

09.12.2022


საკუთარ თავზე ზრუნვასა და თავის მოვლასთან დაკავშირებული აქტივობებიდან ყველაზე მეტი დრო ძილს და მასთან დაკავშირებულ აქტივობებს ეთმობა. ქალების შემთხვევაში ეს მაჩვენებელი 9.1 საათია, ხოლო კაცების შემთხვევაში 9.0 საათი. საკვებისა და სასმელის მიღებას ქალები 1.5 საათს, ხოლო კაცები 1.6 საათს უთმობენ. პირადი ჰიგიენისა და თავის მოვლის აქტივობებზე დახარჯული დრო კი ორივე სქესისთვის ერთნაირია და 1.0 საათს შეადგენს.

ქვემოთ მოცემულ დიაგრამაზე წარმოდგენილია მოსახლეობის მიერ საკუთარ თავზე ზრუნვასა და თავის მოვლაზე დღეში დახარჯული საშუალო დრო (საათი).


დიაგრამა №11

მოსახლეობის მიერ საკუთარ თავზე ზრუნვასა და თავის მოვლაზე დღეში დახარჯული საშუალო დრო

ქალი



კაცი



საქართველოს სტატისტიკის ეროვნული სამსახური


09.12.2022

ბავშვზე ზრუნვასთან დაკავშირებულ აქტივობებში ჩართულია საქართველოში მცხოვრები დედების 80.2 პროცენტი, რაც 2.1-ჯერ აღემატება მამების ანალოგიურ მაჩვენებელს (37.6 პროცენტი). დასახლების ტიპის მიხედვით, თბილისში მცხოვრები მამების მონაწილეობის დონე ყველაზე მაღალია და 43.1 პროცენტს შეადგენს, სხვა ქალაქებში - 36.1 პროცენტს, ხოლო სოფლებში - 34.4 პროცენტს. დედები ბავშვზე ზრუნვაზე კვირაში საშუალოდ 20.4 საათს ხარჯავენ, რაც 5.2-ჯერ აღემატება მამების ანალოგიურ მაჩვენებელს (3.9 საათი კვირაში).

ქვემოთ მოცემულ დიაგრამაზე წარმოდგენილია 15 წელზე უმცროსი ასაკის ბავშვების მშობლების მიერ ბავშვზე ზრუნვაზე კვირაში დახარჯული საშუალო დრო (საათი) და მონაწილეობის დონე (პროცენტი).

დიაგრამა №12

15 წელზე უმცროსი ასაკის ბავშვების მშობლების მიერ ბავშვზე ზრუნვაზე კვირაში დახარჯული საშუალო დრო (საათი) და მონაწილეობის დონე (პროცენტი)




ქვემოთ მოცემული ტემპოგრამები ასახავს ქალების და კაცების მიერ 24 საათის განმავლობაში განხორციელებული აქტივობების განაწილების დინამიკას.

საქართველოს სტატისტიკის ეროვნული სამსახური

09.12.2022

დიაგრამა №13


ქალი



საქართველოს სტატისტიკის ეროვნული სამსახური

09.12.2022

კაცი



- საკუთარ თავზე ზრუნვა
- დასვენება
- სოციალიზაცია და კომუნიკაცია
- სწავლა
- მოხალისეობრივი და სხვა სახის აუნაზღაურებელი შრომა
- აუნაზღაურებელი ზრუნვის მომსახურება
- აუნაზღაურებელი საოჯახო მომსახურება
- პროდუქციის წარმოება საკუთარი მოხმარებისთვის
- დასაქმება

საქართველოს სტატისტიკის ეროვნული სამსახური

09.12.2022

შენიშვნა:

- ცალკეულ შემთხვევებში მცირე განსხვავება საბოლოო შედეგსა და შესაკრებთა ჯამს შორის აიხსნება მონაცემთა დამრგვალებით.

საკონტაქტო პირები:

ვასილ წაქაძე, ტელ.: (+995 32) 236 72 10 (600). E-mail: vtsakadze@geostat.ge

მარიამ ყაველაშვილი, ტელ.: (+995 32) 236 72 10 (020). E-mail: mkavelashvili@geostat.ge